

Broj: 03-02-700/2016
Sarajevo, 17.6.2016. godine

**PARLAMENT FEDERACIJE
BOSNE I HERCEGOVINE**

- Predstavnički / Zastupnički dom
gosp. Edin Mušić, predsjedavajući ✓

- Dom naroda
gđa Lidija Bradara, predsjedavajuća

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PRIMLJENO: 20-06-2016				
Organizac. jedinica	Klasif. grupa	Broj i godina	Vrijednost	Post.
01-02	-	1080/16		104

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 165. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i člana 157. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o izmjenama i dopunama Porodičnog zakona Federacije Bosne i Hercegovine, koji je predložio Dennis Gratz, poslanik u Predstavničkom domu Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 58. sjednici, održanoj 16.6.2016. godine.**

S poštovanjem,



Prilog: kao u tekstu

**Cc: Federalno ministarstvo pravde
gosp. Mato Jozić, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - ("Službene novine Federacije BiH", br. 6/10, 37/10 i 62/10), a u vezi sa članom 165. stav (4) Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07 i 2/08) i sa članom 157. stav (4) Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03 i 21/09), nakon razmatranja Prijedloga zakona o izmjenama i dopunama Porodičnog zakona Federacije Bosne i Hercegovine, koji je predložio Dennis Gratz, poslanik u Predstavničkom domu Parlamenta Federacije Bosne i Hercegovine, Vlada Federacije Bosne i Hercegovine je, na 58. sjednici, održanoj 16.6.2016. godine, utvrdila sljedeće

MIŠLJENJE

Kao osnovni razlog za donošenje predloženog teksta Zakona o izmjenama i dopunama Porodičnog zakona Federacije Bosne i Hercegovine navedena je Presuda Ustavnog suda Federacije BiH, broj: U-15/10 od 2.12.2015. godine, kojom je utvrđeno da član 6. stav 1., u dijelu koji glasi: „kao i lice koje ispunjava pretpostavke iz stava 2. ovog člana“ i stav 2. istog člana, te čl. 27. i 73. Zakona o notarima („Službene novine Federacije BiH“, broj 45/02), nisu u skladu sa Ustavom Federacije BiH. S tim u vezi predlagač Zakona je naveo da s obzirom na funkciju notara i status notarskih isprava kao javnih isprava koje važe kod svih organa vlasti, pravnih lica i drugih institucija, smatra da je neophodno obavezati činioce na notarsku obradu svih onih isprava koje se odnose na raspolaganje imovinom, maloljetnih i poslovno nesposobnih lica, obzirom da se istom obezbjeđuje zaštita ovih kategorija i njihove imovine.

Uzevši u obzir navedeno, ističemo da su predmetnom Presudom proglašene neustavnim određene odredbe Zakona o notarima, a da je u obrazloženju iste rečeno da se obavezna notarska obrada isprava utvrđena u članu 73. Zakona o notarima, koji je proglašen neustavnim, proteže i na druge zakone. Dakle, stava smo da pristup provođenju predmetne presude mora biti sistemski i detaljan, što znači da zahtijeva pomnu analizu načina njenog provođenja obzirom da se radi o proglašenju četiri člana Zakona o notarima neustavnim, a pri tome se sistemski utiče na cjelokupan koncept Zakona o notarima i time u potpunosti odstupa od dosadašnjeg koncepta notarske službe u Federaciji BiH.

Nadalje, stava smo da se tek nakon adekvatne provedbe predmetne Presude putem odredaba Zakona o notarima, kojim će biti obuhvaćena predložena rješenja, odnosno između ostalih riješeno i pitanje pravnih poslova vezanih za raspolaganje imovinom maloljetnih i poslovno nesposobnih lica, može pristupiti eventualnim izmjenama Porodičnog zakona u tom pravcu.

Također, treba istaći da će sva ponuđena rješenja iz dostavljenog prijedloga biti uzeta u obzir, prilikom izrade novog zakonskog teksta od strane Federalnog ministarstva pravde.

V. broj: 1274/2016
16.6.2016. godine
Sarajevo



PREMIJER

Fadil Novalić